

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE
po zahtjevu privrednog subjekta "EFT – Termoelektrana Stanari"
d.o.o. Stanari u vezi obaveze prijave namjere koncentracije

Sarajevo
Decembar, 2007. godine



Broj: 01-01-26-1034-1-I/07
Sarajevo: 03.12.2007. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po zahtjevu privrednog subjekta Društvo sa ograničenom odgovornošću za proizvodnju električne energije EFT – Termoelektrana Stanari d.o.o. Stanari, Stanari bb, zastupanog po advokatu Miljkanu Pucaru, Bana Lazarevića 7, Banja Luka, zaprimljenog od strane Konkurencijskog vijeća dana 07.11.2007. godine, pod brojem: 01-01-26-1034-I/07, Konkurencijsko vijeće, na 55. (pedesetpetoj) sjednici održanoj dana 03.12.2007. godine, daje

MIŠLJENJE

Privredni subjekt Društvo sa ograničenom odgovornošću za proizvodnju električne energije EFT – Termoelektrana Stanari d.o.o. Stanari, Stanari bb (u daljem tekstu: EFT – Termoelektrana Stanari d.o.o.), zastupan po advokatu Miljkanu Pucaru, Bana Lazarevića 7, Banja Luka, podnio je Konkurencijskom vijeću Zahtjev za davanje mišljenja o obavezi prijave namjere koncentracije koji je zaprimljen dana 07.11.2007. godine, pod brojem: 01-01-16-1073-2-I/07.

Zahtjev se odnosi na pitanje da li se koncentracijom u smislu člana 12. stav (1) Zakona o konkurenciji, smatra spajanje privrednih subjekata preuzimanjem jednog privrednog subjekta od strane drugog, s tim da su oba privredna subjekta jednočlana društva, čiji je osnivač isto pravno lice.

Članom 12., 14., 15. i 16. Zakona o konkurenciji je propisano šta se smatra koncentracijom kao i koje je uslove potrebno ispuniti da bi se podnijela prijava namjere koncentracije Konkurencijskom vijeću.

Članom 12. stav (1) Zakona o konkurenciji je propisano da se koncentracijom smatra spajanje ili pripajanje nezavisnih privrednih subjekata ili dijelova privrednih subjekata, kao i sticanje kontrole ili dominantnog uticaja jednog odnosno više privrednih subjekata nad drugim odnosno nad više drugih privrednih subjekata ili dijelovima privrednih subjekata i to: kupovinom većine dionica ili udjela osnovnog kapitala; sticanjem većine prava glasa ili na drugi način u skladu sa odredbama zakona.

Pod nezavisnim privrednim subjektima smatraju se privredni subjekti koji nisu kontrolisani po bilo kom osnovu od strane trećeg odnosno zajedničkog privrednog subjekta ili više njih po bilo kom osnovu.

U skladu sa članom 2. stav (2) Zakona o konkurenciji, kontrolisani privredni subjekt je onaj subjekt u kojem drugi privredni subjekt, neposredno ili posredno, pravno ili činjenično

odlučujuće utiče na upravljanje, naročito ako ima više od polovine udjela u osnovnom kapitalu ili dionicama; može ostvariti više od polovine glasačkih prava; ima pravo na postavljanje više od polovine članova uprave, upravnih i nadzornih odbora ili na drugi način ima pravo upravljanja poslovanjem kontrolisanog privrednog subjekta.

Iz navedenog proizilazi ako su privredni subjekti sudionici koncentracije nezavisni privredni subjekti u smislu Zakona o konkurenciji, isti su dužni podnijeti prijavu namjere koncentracije Konkurencijskom vijeću. U skladu sa članom 16. Zakona o konkurenciji, prijavu su dužni podnijeti u roku od 8 (osam) dana od dana zaključenja sporazuma, objavljivanja javne ponude ili sticanja kontrole, zavisno šta od toga prije nastupi. U suprotnom, ukoliko se radi o privrednim subjektima sudionicima koncentracije koji su zavisni privredni subjekti u smislu Zakona o konkurenciji, ne postoji obaveza prijave namjere koncentracije Konkurencijskom vijeću.

Predsjednik

Sanja Božić